

FORTUNA RESPICIENS OBSEQUENS.

AC

CONJUGALIS HARMONIA,

Novellis Sponsis,

Ornatisimo Doctissimoq; Viro,

M. DAVIDI
CAMERARIO,
ILLUSTRIS BREGANI
PROFESSORI,

ET

LECTISSIMÆ VIRGINI

ROSINÆ ENTIÆ,

PRID. KAL. JUNIAS

A. C. MDC L. RITE COPULANDIS;

Vratislaviæ conceptæ,
& Bregam, vice Nuptialis Hospitæ,
ablegataæ,

Legante

CHRISTOPHORO COLERO.

URATISLAVIÆ,

Exprimebat GOTTOFREDUS GRÜNDER.



ELEGIA NUPTIALIS.

Delicies & Amor docti quod scripsérat olim
LIPS IUS, Aonidum flos, Charitumque nitor,
Ad CAMERARIADEN patrii prænominis astrum
Norica quod coluit terra Machaonium:
Afectu mihi grata fuit vel nomine solo,
A te, quæ latum littera portat Ave.
Quam semper C A M E R A R I A D E mibi Corcula, ob unum
Teutona quem tellus protulit absq; pari.
Inter eos, & tu meritò memorande colendos,
Magna Machaonii lux, F O A C H I M E, chori.
In me cujus erant animi quot signa benigni,
In te tot mentis signa fuere mee,
Ac mihi dulce fuit C A M E R A R I & amabile pridem
Nomen, cum Charisin Pieris inque satum.
Ob Patris ingenium, sine fraude doloque, vetustis
Moribus, antiquâ simplicitate Tui.
Ac amo Te pridem, propriæ dulcedine captus
Indolis à Charitum Pieridumque manu.
Quâ tibi tot mentes hominum quasi pellice castâ
Usibus es doctus conciliare tuis.
Prædicat hanc artem pia Vratilavia Mater,
Quæ te mellifluo nutrit alma sinu.
Lipsia suscepsum Patriæ per brachia pullum,
Erudiit docto Pallados orbe sophum.
Hinc VViteberga tibi Sophies pia castra secuto,
Contulit ex merito dulcis Honoris opus.
Post reducem genitrix & nutrix Bresla recepit,
Ac Musis patuit R E I C H E L I A N A Domus.
Donec te Scholicum concessit Bresla Magistrum,
Illustri semper suavis amica Bregæ.
Iaduit hæc in Te maternum Mater amorem,
Patria te gremio terra secunda fovet.

Jam

Jam sat es expertus, quam sit palmaria laus hæc;
Posse placere Deo, Principibꝫ virū.
Obtigit ad votum tibi fato Sparta volenti,
Quæ te tam fidâ sedulitate probat.
Occurrere boni, magnus thesaurus, amici,
Collegæ tuâ pro probitate probi.
Obtinet hic primam Clio Lindneria palmam,
Quam post Nüslerum Triga Ducalis amat.
Illustri quondam Ligiae ratione Juventæ
NATITIUS Phœnix, concolor & Senecæ;
Qui scholici commissa modo est Curatio regni,
Et causis justâ lege præesse piis,
Nonne prior lapidem movit, promovit eundem,
Ut tua constaret sors meliore loco?
Quam desideriis L U C A S fuit obvius, ipse
Expositus primùm me monitore, tuis?
L U C A S ille mihi cultus, Phœboq; colendus,
Optio Pierii, nunc tibi Brega, gregis.
Hoc fido frueris felix & faustus Achate,
Cum Spartâ rædas conciliante sacras.
Nec jucundus abest Pylades S C H V V E D L E R V S Oresti,
præpetis ingenium nobile Mercurii.
Dicit ac illorum procerum dux E N T I V S agmen,
Uranies pullus Melpomenesq; decus.
Hic tibi dulce tori monumentum & pignus amatum,
Unigenam Matris collocat Effigiem.
Quæ formam casti junxit cum lege pudoris,
Corpore pulchra quidem, pulchriot at genio.
Ut fluvialis Anas pennis quasi picta superbit,
E N T I A sic geminæ dotis honore nitens.
E N T I A Patre suo, R E U S N E R I A Matre pudicâ;
Quæ Gens eximios protulit ampla viros.
Aspicis in vultu formosi veris honores,
Quam sit Virgo sui nominis alma Rosæ.
Ingeniosa sacræ tractare pericla Minervæ,
Et curate domum, resque tenere domi.
Ut novit Virgo paréte parentibus usque,
Subdita sic lenem discet amare virum.

Hos

Hos dat ei placidos moderatrix Musica mores,
Quam callet scitis Patre docente modis.
Ut chelys haud blandis cordi neque fistula Musis,
Organa quæ rerum, sed sine fine gravi;
Flexio sed motus, animi moderatio rapti,
Quam sibi flexanimâ Musicus arte parat.
Sic tibi dissolvet curas vel voce ROSINA
Corditrahâ, aut modulos docta loquace manu.
Ac benè conveniet vobis concordia morum
Mutua, sic operâ congregē cedet opus.
Sit licet auspicio discors concordia cantus,
Desinit at dulci consona fine toni.
Sic quoque Conjugii turbantem gaudia cœpti
Concentum, tandem clausula recta beat.
Ut bene conveniat, concinnum dirige cantum,
Accinat ut Conjurx culta tenore pari.
Tu nervos intende manū, quò concinat illa,
Ac reliquum chordæ suppleat ipsa vice.
Hisce novis fidibus motis, ratione movendis,
Grex erit hac sua vi concitus harmoniâ.
Proveniat similis Cameraria turba Catoni
Illi, quæm Siren Lipsias alta canit.
Ac priscæ soboles stirpi Reusneria surgat,
Par, quos Jena habuit, nunc VViteberga tenet.
Et sic Vos Vobis Nupti, Musisque canetis,
Nec laus communis cum grege plebis erit.
Accinet ipse tibi Pataræus Apollo Parenti,
Aonidumque Patri concinet ipse chorus,
Pusio prognatus lepidis indormier odis,
Ac discessit similes fingere voce rudi.
Donec Avi Patrisque sui consurgat in artes,
Illorumvè velit nomina tanta sequi.
Fœmina vel matrem referat per pensa Minervæ,
Has inter telas ludere docta melos.

F I N I S.